

**KOMISIJA ZA TUMAČENJE I PRAĆENJE PRIMJENE  
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI  
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23 i 46/25), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjeva Općine Novo Sarajevo broj:01-37/25 od 4.11.2025. godine, za tumačenje odredbi člana 24. i člana 25. Kolektivnog ugovora za službenike organa uprave i sudske vlasti u Federaciji Bosne i Hercegovine, na 13. sjednici Komisije održanoj dana 06.11.2025. godine, donosi:

**O D L U K U**

o tumačenju odredbi člana 24. i člana 25. Kolektivnog ugovora za službenike organa uprave i sudske vlasti u Federaciji Bosne i Hercegovine

I

Utvrđuje se tumačenje odredbi člana 24. i člana 25. Kolektivnog ugovora za službenike organa uprave i sudske vlasti u Federaciji Bosne i Hercegovine, kako slijedi:

“Zakon o plaćama i naknadama u organima vlasti FBiH je jasno definirao pojam osnovne plaće, te je u skladu sa tim i potrebno postupiti u konkretnom slučaju.“

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav (6) Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnositelju zahtjeva i Samostalnom sindikatu putem Federalnog ministarstva pravde.

## Obrazloženje

Komisiji je dostavljen zahtjev Općine Novo Sarajevo broj:01-37/25 od 4.11.2025. godine za tumačenje odredbe člana 24. i člana 25. Kolektivnog ugovora za službenike organa uprave i sudske vlasti u Federaciji Bosne i Hercegovine, a u smislu utvrđivanja da li se uvećanje plate iz člana 24 stav (6) i 25. stav (1) Kolektivnog ugovora za službenike organa uprave i sudske vlasti u Federaciji Bosne i Hercegovine odnosi na uvećanje plaće sa ili bez obračunatog uvećanja po osnovu penzijskog staža (minuli rad).

Imajući u vidu navode iz dostavljenog zahtjeva, Komisija ističe da je Zakonom o plaćama i naknadama u organima vlasti FBiH jasno definisan pojam osnovne plaće, te je u skladu sa tim i potrebno postupiti u konkretnom slučaju.

Imajući u vidu navedeno, Komisija zaključuje da je predmetnim članovima Kolektivnog ugovora jasno propisano, članom 24. stav (6) i članom 25. stav (1) da se uvećanja iz ovih članova obračunavaju na osnovnu plaću. Pojam osnovne plaće je jasno definisan odredbama Zakonom o plaćama i naknadama u organima vlasti FBiH

Shodno navedenom, utvrđeno je tumačenje odredbi člana 24. i člana 25. Kolektivnog ugovora, na način kako je navedeno u tački I ove odluke.


Obzirom da je odredbom člana 72. Kolektivnog ugovora utvrđena primjena istog u odnosu na organe i insitucije na koje se ovaj kolektivni ugovor primjenjuje, utvrđeno je kao u tački II ove odluke, dok je tačkom III utvrđeno da su ovu odluku dužne poštovati sve ugovorne strane ugovora, u skladu sa odredbom člana 71. stav (6) Kolektivnog ugovora.

Broj: 01-741-61/25  
Sarajevo, 06.11.2025. godine


Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić



Tijana Babić



Samir Kurtović



Haris Karačić